



ANEXO I. CONVENIO ASINADO COA DEPUTACIÓN PROVINCIAL DE PONTEVEDRA



CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA E O CONCELLO DE CERDEDO-COTOBAD E PARA A REESTRUTURACIÓN DO ESPAZO PÚBLICO E MELLORA DA MOBILIDADE DO NÚCLEO DE A CHAN (CERDEDO-COTOBAD E)

En Pontevedra, a 9 de agosto de 2018

REUNIDOS

A Ilma. Sra. D. M^a del Carmen Silva Rego, na súa condición de presidenta da Excm. Deputación Provincial de Pontevedra, actuando en virtude da competencia que lle atribúe o artigo 34.1.b) da Lei 7/1985, de 2 de abril, reguladora das bases do Réxime local.

O Sr. D. Jorge Cubela López, alcalde-presidente do Concello de Cerdedo-Cotobade, actuando en virtude das facultades representativas que lle atribúe o artigo 21.1.b) da Lei 7/1985, de 2 de abril, reguladora das bases do Réxime local.

O Sr. D. José Luis Mato Rodríguez, vicesecretario da Deputación Provincial de Pontevedra, dando fe do acto.

Ambas partes reconécense con capacidade para formalizar o presente convenio, en base ós principios de colaboración, cooperación, coordinación e eficacia que deben presidir as actuacións das Administracións Públicas.

MANIFESTAN

I.- Que os convenios entre as Administracións Públicas constitúen o instrumento adecuado para desenvolver a súa cooperación en cuestións de interese común, tal como establecen os art. 47 e seguintes da Lei 40/2015, de 1 de outubro, de Réxime Xurídico do Sector Público, 57 da Lei 7/85, de 2 de abril, reguladora das bases do Réxime local e 198 e seguintes da Lei 5/97, de 22 de xullo, de Administración local de Galicia.



II.- Que segundo dispoñen os artigos 26.1 da Lei 7/1985, de 2 de abril, reguladora das bases do Réxime local e 81 da Lei 5/1997, de 22 de xullo, de Administración local de Galicia, os municipios deberán prestar ós seus cidadáns, determinados servizos públicos en función da súa poboación.

III.- Que o artigo 36 da Lei 7/1985 e os artigos 109 e 110 da Lei 5/1997 encomendan ás deputacións a que dirixan a súa actividade a asegurar a prestación integral e adecuada dos servizos de competencia municipal, a tal efecto, e co fin de posibilitar a consecución real e efectiva dos mesmos, é polo que se instrumenta o presente convenio dirixido ó cumprimento das obrigacións impostas pola normativa vixente.

IV.- A Deputación de Pontevedra é titular da estrada provincial E.P. 0401 Carballedo – Caroi, que transcorre polo Concello de Cerdedo-Cotobade atravesando o núcleo de A Chan partindo dende a PO-233 ata a capela de San Roque entre o P.K. 0+000 e o P.K. 0+450.

V.- Neste núcleo concéntrase unha serie de equipamentos públicos tales como a Casa do Concello, o Centro de Saúde, entidades bancarias, etc. que dan servizo á poboación de todo o Concello e que encadran esta zona de A Chan como o principal núcleo urbano de Cotobade.

VI.- Que o Concello de Cerdedo-Cotobade está levando a cabo unha labor de urbanización en distintos viarios do lugar de A Chan, dentro da parroquia de Carballedo, coa fin de mellorar a accesibilidade.

VII.- A presenza da estrada provincial, coas actuais características atravesando o núcleo, dificulta a mobilidade en condicións de seguridade en especial dos peóns que acceden aos servizos públicos na zona.

VIII.- Preténdese por tanto unha actuación na estrada provincial que permita a transformación do espazo público co fin de crear un núcleo urbano de preferencia peonil mellorando ademais a seguridade viaria con medidas de calmado de tráfico.



IX.- Con fundamento en canto queda exposto, e sendo patente a vontade de colaboración das Entidades comparecentes, ámbalas dúas partes acordan a subscripción do presente convenio, consonte ás seguintes:

CLÁUSULAS

Primeira.- Obxecto:

O presente convenio ten por obxecto desenvolver o proxecto de actuación no tramo da estrada provincial E.P. 0401, que transcorre polo núcleo da Chan na parroquia de Carballedo no concello de Cerdedo-Cotobade, que permita a transformación do espazo público co fin de crear un núcleo urbano de preferencia peonil mellorando ademais a seguridade viaria con medidas de calmado de tráfico.

Segunda.- Importe:

O importe o que se refire a presente actuación ascende a catrocentos vinte e nove mil cento noventa e cinco euros con dezaseis céntimos (429.195,16 €) en Base Imponíble máis noventa mil cento trinta euros con noventa e oito céntimos (90.130,98 €) en concepto de IVE, o que ascende a un orzamento total de cincocentos dezanove mil trescentos vinte e seis euros con catorce céntimos (519.326,14 €).

Terceira.- Financiamento:

Os investimentos necesarios para a realización das mencionadas obras serán financiados pola Deputación de Pontevedra e Concello de Cerdedo - Cotobade mediante a achega das cantidades relacionadas de seguido:

	Achega	%
Deputación de Pontevedra	363.528,30€	70
Concello de Cerdedo - Cotobade	155.797,84€	30
Total investimento	519.326,14€	100



A Deputación financiará 363.528,30 € (70 %) con cargo a aplicación 18/456 4530 612.02 do vixente orzamento provincial. A achega do concello, 155.797,84 € (30 %), efectuarase consonte o compromiso de consignación no orzamento municipal 2018, co medio de financiamento que se considere máis axeitado a situación do concello.

Os demais gastos derivados da actuación obxecto do presente convenio tales como: os gastos de redacción do proxecto, contratos de servizo accesorios para a dirección control e seguimento da execución de obras, serán financiados pola Deputación de Pontevedra.

Cuarta.- Incidencias no desenvolvemento da obra:

Calquera incidencia que poida xurdir no desenvolvemento das obras, por causas imprevistas, e que obriguen a unha modificación do proxecto, ou se produza un incremento ou diminución do seu custo, será financiada de conformidade cos coeficientes dispostos na cláusula terceira.

Quinta.- Obrigas da Deputación Provincial de Pontevedra:

- 1) Correspóndelle a licitación, dirección, execución e recepción das obras contempladas no proxecto técnico do investimento obxecto deste convenio.
- 2) A redacción do proxecto técnico, descritivo das actuacións a levar a cabo.
- 3) Correspóndelle a obriga de remitir a información sobre o presente convenio ao Consello de Contas en aplicación do establecido no artigo 53 da Lei 40/2015, de 1 de outubro, de Réxime Xurídico do Sector Público e da súa normativa de desenvolvemento.

Sexta.- Obrigas do Concello:

O Concello de Cerdedo-Cotobade obrígase a:

- 1) Poñer a disposición da Deputación Pontevedra os terreos e as instalacións para poder levar a cabo a execución das obras relacionadas na cláusula primeira coa aportación da documentación que así o acredite.
- 2) Obter as correspondentes licenzas e tramitar ante outros organismos as autorizacións pertinentes que fosen precisas.

- 3) Levar a cabo o mantemento da infraestrutura obxecto deste convenio, tendo a asunción da dita responsabilidade desde o día seguinte ao de formalización da acta de recepción da obra executada, momento no que serán obxecto de entrega ao concello pasando a ser da súa titularidade.
- 4) Solicitar a transferencia da vía, de conformidade co establecido na Lei 8/2013, do 28 de xuño, de Estradas de Galicia, tendo carácter o presente convenio de documento de solicitude formal de iniciación do procedemento de transferencia.
- 5) Darlle a adecuada publicidade a este convenio, de tal xeito que quede constancia que a remodelación da infraestrutura se levou a cabo en colaboración coa Deputación de Pontevedra.
- 6) Antes da sinatura do presente convenio, o concello deberá achegar á Deputación de Pontevedra o compromiso do acordo, adoptado polo órgano que legalmente teña atribuída a competencia, conforme á lexislación propia de Réxime Local, á que fan referencia os apartados 1, 2, 3 e 4 anteriores.

Sétima.- Entrega:

Unha vez rematadas e recepcionadas as obras levarase a cabo o procedemento de transferencia do vial obxecto das mesmas por parte da Deputación Provincial de Pontevedra ao concello de Cerdedo-Cotobade.

Oitava.- Compensación de débedas:

O Concello de Cerdedo-Cotobade faculta expresamente á Deputación para reter e compensar con cargo ás cantidades que lle poidan corresponder toda clase de débedas vencidas e pendentes pago.

Novena.- Comisión de seguimento e control:

Para o seguimento e control do cumprimento do presente convenio, así como para aclarar as dúbidas que suscite a súa interpretación, constitúese unha Comisión de Seguimento da que forman parte a presidenta, o alcalde ou persoas en quen deleguen, o Secretario da Deputación de Pontevedra ou persoa en quen delegue e un representante técnico de cada Administración.



As súas funcións, entre outras, serán as seguintes:

- Impulsar e avaliar o cumprimento do presente convenio, proponendo as actuacións que se consideren precisas.
- Proponer a interpretación, en caso de dúbida, do contido do mesmo.
- En caso de que xurdiran controversias na aplicación do convenio, proponer ás partes a resolución das mesmas.

Esta comisión reunirse dentro do prazo de tres días, a contar dende a petición expresa realizada por calquera delas.

Décima.- Vixencia do convenio:

O presente convenio entrará en vigor na data da súa firma e terá vixencia ata o remate das obras, en todo caso ata o 31 de decembro de 2019.

A vixencia do presente convenio poderá prorrogarse coa conformidade expresa das partes intervinientes.

Undécima.- Resolución:

Serán causas de resolución o incumprimento das obrigas derivadas deste convenio de conformidade co disposto na normativa vixente.

Duodécima.- Normativa aplicable:

O presente convenio ten natureza administrativa, rexéndose polas cláusulas establecidas e:

- Lei 7/85, de 2 de abril, Reguladora das bases de Réxime Local.
- Lei 5/97, de 22 de xullo, da Administración Local de Galicia.
- Lei 40/2015 de 1 de outubro, de Réxime Xurídico de Sector Público.
- Bases reguladoras da execución do orzamento da Deputación de Pontevedra para o exercicio 2018.
- E demais normativa de obrigado cumprimento.



Asemade, as partes quedan sometidas á Xurisdición Contencioso-Administrativa, a falta de entendemento previo pola comisión citada na cláusula novena, na resolución de posibles controversias que puideran suscitar o incumprimento ou interpretación do convenio.

E en proba de canto antecede, as partes que interveñen asinan o presente convenio, por duplicado e a un só efecto, no lugar e na data sinalados no seu encabezamento.

Pola Deputación Provincial de Pontevedra

M^a del Carmen Silva Rego

Polo Concello de Cerdedo-Cotobade

Jorge Gubela López

O vicesecretario provincial

José Luis Mato Rodríguez